



Uhapšen SDA-ov direktor "Unsko-sanskih šuma"

'Propjevao' vozač Đevada Muslimovića

Hajrudin Pehlivanović bio „poštar“ koji je nosio koverta, a organizator Đevad Muslimović

● Radilo se o „masnim“ ciframa vezanim za dobivanje tendera u šumama

U okviru akcije „Koverta“ pripadnici Državne agencije za istrage i zaštitu (SIPA) jučer su uhapsili Đevada Muslimovića, direktora Šumskog privrednog društva (ŠPD) „Unsko-sanske šume“, kadra SDA, i njegovog vozača Hajrudina Pehlivanovića.

Obojica su jučer saslušana, a portparol Tužilaštva USK Adnan Tulić izjavio je da se oni terete za krivično djelo organizirani kriminal u vezi s nizom koruptivnih djela, kao što su primanje i davanje mita te zloupotreba položaja i ovlasti.

Pritisnut dokazima

Kako nezvanično saznajemo, očekuje se privođenje i hapšenje i drugih osoba umiješanih u nezakonite radnje u ovom državnom preduzeću. Prije dva dana, podsjećamo, uhapšen je Enes Karić, zamjenik upravnika Šumarije „Sana“, kod kojeg su pripadnici SIPA-e pronašli 20.000 KM obilježanih novčanica koje je dobio od jednog bihačkog vlasnika pilane.

Iz izvora bliskog istrazi

Lipovaču "iskeširao"!?

Đevad Muslimović jedini je direktor u USK kojeg Hamdija Lipovača nije smijenio kada su „odletjeli“ svi funkcioneri SDA. Otvoreno se pričalo i



saznajemo da je Pehlivanović, koji je priveden prije tri dana, pritisnut dokazima istražitelja SIPA-e, „propjevao“ o korupciji u „Unsko-sanskim šumama“.

- Vozač je bio „poštar“ koji je nosio koverta, a organizator direktor Muslimović - kazao nam je naš izvor blizak istrazi, uz napomenu da se radilo o „masnim“ ci-

pisalo o tome da je Muslimović dao velike pare Lipovači da ostane na unosnoj poziciji. Spominjao se iznos od 100.000 KM.

frama vezanim za dobivanje tendera i lotova u šumama kojima gazduje ovo preduzeće.

Navodno, nije se mogao dobiti šumski odjel za sječnu bez „kovertiranja“.

Zlatna koka

Muslimović je nesuđeni krajiški premijer kojeg je prije tri mjeseca, nakon smjene Hamdije Lipovače (SDP), Kantonalni odbor SDA USK gurao na ovu poziciju. Tada je važio za najuglednijeg funkcionera ove stranke, a i prije dva dana na Skupštini USK je hvaljen kao direktor čija firma godinama ostvaruje profit.

Javna je tajna da su se vodeći krajiški političari oti-



Nesuđeni premijer, kadar SDA

mali za Muslimovićevu naklonost, a najbliži mu je bio Asim Kamber (SDA), kojeg je Muslimović bespogovorno slušao. Špekulira se da bi uskoro mogao biti priveden i Kamber, Muslimovićev „politički otac“ koji se brinuo da SDA bude pokrovitelj nad jedinom preostalom krajiškom „zlatnom kokom“.

M. DEDIĆ